

دار الفنون

ادبیات و فلسفہ و تاریخ و جغرافیہ و ادبیات

فلسفہ، اجتماعیات، تاریخ، جغرافیہ، ادبیات

ایک آبدہ بر نشر اول نور

مندرجات:


[محمد علی عینی]		شیخ ابراہیم حق
[نجیب عاصم]		القباض حقندہ بعض ملاحظہ لر
[عارف]		دوات عثمانیہ نک تأسس و تقرری دورندہ علم و علما
[اقمہارد اونغر]		» تہ آروس » قایناغندہ دارا » ستہله » سی
[وحید]		موزہ ہایوندہ اسکندر لحدی
[فائق صبری]		جغرافیہ نک علمی اصولاری
[احمد امین]		آمریقادہ تورک مہاجرلری
[آورام غالاتی]		اجنبی خریطہ لر دن ممالک اسلامیہ جغرافیہ اسملرینک استنساخاً نقلی و حروف
		عربیہ ایله اراٹہ سی مسئلہ سی

ترجمہ فسمی

[احمد نعیم]		فلسفہ نک یکی بر قاچ تعریفی
[خلیل نعمۃ اہ]		روحیاتدہ اصول
		کتابیات تحلیلاری

استانبول — مطبعہ عامرہ

۱۳۳۲ — ۱۳۳۴



کتابیات تحلیلی

روحیات درس‌لری ، تربیه‌یه عائد تطبیقات ایله برلکده .

[طبعی: استانبول — مطبعة عامره ۱۳۳۱ = ۵۰۴ صحیفه = فیاتی ۱۵ غروش]

معارف عمومیہ نظارتی تألیف و ترجمہ کتبخانہ سنک ۲۶ نجی کتابی اولان بو اثرک مؤلفی رایم در . علم النفس ایلہ علم تربیہ اطفالہ دائر اولان بو اثر مهمک دارالفنون ادبیات فاکولتہ سی مجلس مدرسین رئیس محترمی محمد علی عینی بک افندی کی صلاحیتدار برذاتک ہمت قلمی ایلہ ترجمہ یہ نقل ایدیلش اولدیغنی سویلہ مک آنی باشقہ الفاظ و عبارات توصیف و توصیہ دن مغنیدر .

کتاب یکر می درس اوزرینہ مرتب و ایجاز و اطناب آراسندہ برحد وسط اوزرہ فنک بوتون مباحثی جامع نقصانسر دینہ جک بر علم النفس اولوب ہر درسک نہایتندہ «تطبیقات عملیہ» سرنامہ سی آلتندہ او درسدن تربیہ اطفال خصوصندہ مربینک ایدہ بیلہ جکی استفادہ لر برلسان وجیز ایلہ بیان ایدلدکن ماعدہ ہر درسک ہیئت عمومیہ سنی کوچوجک برر لوحہ ایچنہ صیقیشدیران برر خلاصہ یاپیلمشدرکہ بزم اسکی قواعد تألیفمزہ کورہ متن و شرح دیمکدر . آنجق بو کتاب ایلہ امثالی دیگر کتابلردہ بو متلر شرحلردن صوکرہ یازیلش بولونیور .

کتابک صحیفہ عنوانی طلاب علمک ہانکی قسمی ایچون یازیلش اولدیغنی کوسترمیورسہدہ مندرجاتنک دارالمعلمین طلبہ سنی ہدف اتخاذا ایدیلہ رک تحریر ایدلدیکی آکلاشیلیور . بونکہ برابر بو کی مباحث و مسائل مراق ایدہ جک ذواتک ہر بری دہ کندی غرض و مطلوبلرینہ کورہ بہرہ مند انتفاع اولابیلرلر .

«روحیات درس‌لرینک» بزجہ اک مهم مزیاتندن بری دہ — مؤلفک مقدمہ دہ کی بیانی اوزرہ — روحیہ مذہبی Spiritualisme اوزرہ قلمہ آلینمش اولماسیدرکہ مملکتتمزک مزاج والفتنہ اک قریب اولان مسلکک بو اولاجغندہ شبہم یوقدر . مع مافیہ مطالعہ سندن معلوم اولاجنی اوزرہ مذہب تجربہ فلاسفہ سنک Empiriques استناد ایتدیکی تجارب ایلہ روحہ

وجود ویرنره قارشی سرد ایتدکاری اعتراضات اهل و کتم ایدیللمش اولدیغی ایچون او قوماسندن حاصل اولاجق فائده هر حالده ایکی باشلیدر .

مترجم فاضل عنوان کتابی — اصطلاح انجمنک وضعنه تبعاً — «روحیات درسلری» عبارته سی ایله ترجمه ایتمش ایسه ده ظن عاجزانه مه کوره یا «علم النفس» ویا «علم روح» کی بر تعبیر استعمالی دهها مناسب اولوردی. «روحیات» اولسه اولسه آمپرک تصنیف علومنده کی Sciences noologiques مقابلی اولابیلیر که آمپر بونی Sciences morales یعنی «علوم معنویه» مراد فی و Sciences physiques et naturelles یعنی «علوم فیزیقیه و طبیعیه» معناسنه Sciences cosmologiques مقابلی اولمق اوزره قوللانمشدر. آمپرک «روحیات» ی بوتون اقسامیله برلکده فلسفه یی و جغرافیا ایله تاریخه وارنجیه قدر بوتون علوم لسانیه و ادبیه و حقوقیه و اجتماعیه یی جامع بر صنف علومک آیدر .

برده اراده و اختیار بختلرنده Liberté d'indifférence تعبیری «اسباب و سوا ثقدن غیر متأثر اختیار» دییه ترجمه ایدیلدیکنه کوره اصل تعبیر مصطلحک استحضار ایدیللمه دیکی وارد خاطر اولیور. بنده کزه قالیرسه بو تعبیر بزده کی «ترجیح بلا مرجح» مقابلیدر. مترجم محترم بر کرده او وادی یه طوغرو سوق انظار تتبع بویورسه لر بو ظنمک پکده بوش اولمادیغنه کسب اطلاع ایدر لر امیدنده یم .

ا . ن .



«صناعت» و «تاریخ عمومی صناعات»

دارالفنون مدرسلرندن و میر بک افدینک بو ایکی اثر مترجمی اخیراً موقع انتشاره چیقان کتابلر آره سنده بالخاصه شایسته حرمت در . کورولتولو اعلانلره نفسی تشهیردن دائماً احتراز ایدرک سکوت و انزوا ایچنده مفید و مشمر مساعی یه وقف دماغ ایدن و حید بک بزه ایلک دفعه اوله رق صنایع نفیسه نک — کندیزی بوکا ، صناعات نفیسه ، دیور — ماهیت و قیمتی بیلدیردی که بزده ماهیتی بیلنمدیکی ایچون پک قیمتسز کورولن برشیدی .

اعتقاد بجه حیات جسممز ایچون کونش نه ایسه حیات روح مزه نسبتله صنایع نفیسه اودر . اصطلاحات بختنده و حید بک افدی ایله اتفاق ایتیه بیلیرز ، فقط تسلیم ایتیلی یز که صنایع